




# LAPORAN LIPUTAN MEDIA

RABU / 21 FEBRUARI 2024



Disediakan Oleh :  
Cawangan Komunikasi Korporat



# TAJUK BERITA

1. KARTEL: LETAK URUSAN BERAS BAWAH JPM - UTUSAN MALAYSIA
2. JADIKAN BERAS TEMPATAN SEBAGAI BERAS MADANI - UTUSAN MALAYSIA
3. KPDN AKAN SIASAT DAKWAAN WUJUD KARTEL BERAS - BERITA HARIAN
4. RANCANG ESTET PADI BERSKALA BESAR PERTAMA DI SABAH, SARAWAK - BERITA HARIAN
5. MALAYSIA CADANG TEMBUS PASARAN CANADA - SINAR HARIAN
6. RAMPAS DAGING BABI RM2.7 JUTA - HARIAN METRO
7. PESAWAH BAKAR PADI - HARIAN METRO
8. KONGSI PENGETAHUAN TEKNOLOGI DALAM BIDANG AKUAKULTUR - KOSMO
9. HASIL 30,000 TAN METRIK BENIH PADI - KOSMO



Dalam Negeri

## Kartel: Letak urusan beras bawah JPM

Oleh MOHAMAD SHOFI MAT ISA  
shofi\_isak@mediamulia.com.my

**KUANTAN:** Kerajaan perlu kembali mengawal selia urusan beras negara seperti mana Lembaga Padi dan Beras Negara (LPN) yang dimansuhkan pada 1996 bagi memerangi isu kartel yang mensabotaj bekalan makanan ruji itu sehingga membebani rakyat.

Bercakap kepada *Utusan Malaysia*, Presiden Persatuan Beras Bumiputera Malaysia (Barim), Ismail Awang berkata, urusan itu boleh diletakkan terus di bawah Jabatan Perdana Menteri (JPM) dengan melantik seorang pengurusi manakala ahli lembaganya dilantik dalam kalangan pemain industri beras negara.

Menurutnya, pendekatan tersebut lebih baik dalam menyelesaikan isu kartel berbanding cadangan mewujudkan beras putih Malaysia Madani yang masih belum jelas pelaksanaannya.

“Apabila ada kekurangan dalam isu beras umpamanya keperluan beras import, libat urus kerajaan kepada kerajaan (G2G) dengan negara pembekal boleh diuruskan oleh kerajaan sendiri.

“Segala urusan akan ditentukan oleh kerajaan sendiri seperti LPN dahulu. Jika kerajaan hendak wujudkan Majlis Padi dan Beras Negara (MAPEN), kaedah operasi sama seperti LPN dahulu, cuma mungkin pendekatan berbeza disebabkan keadaan semasa,” katanya di sini semalam.

Kelmanin, Perdana Menteri, Datuk Seri Anwar Ibrahim dilaporkan sebagai berkata, cadangan mewujudkan beras putih Malaysia Madani akan membantu negara memerangi tindak tanduk kartel dalam industri tersebut.

Pada 14 Februari lalu, Pengurusi Majlis Tindakan Sara Hidup (Nac-

col), Datuk Seri Syed Abu Hussin Hafiz Syed Abdul Fasal mengumumkan kerajaan memperkenalkan beras putih Malaysia Madani yang akan dijual dengan harga RM30 bagi kampit 10 kilogram bermula 19 Februari ini.

Syed Abu Husin dilaporkan berkata, ekoran itu kategori beras putih tempatan (SST) dan beras putih import (SSI) dimansuhkan.

Mengulas lanjut, Ismail berkata, cadangan mewujudkan satu gred Beras Putih Malaysia Madani yang dijual dengan harga RM30 bagi kampit 10 kilogram memerlukan kajian terperinci supaya rakyat tidak terbeban dan benar-benar mendapat manfaat daripada pelaksanaannya.

“Terdapat beberapa faktor perlu diambil kira jika kerajaan hendak memperkenalkan beras putih Madani. Pertama, apakah jenis gred itu dan kategori apa? Adakah mahu tetapkan beras import atau beras tempatan.

“Kedua, jika mahu tetapkan beras import, siapa nak tanggung kos lebihan kerana beras putih import 10 kilogram berharga RM32, bermakna lebihan RM2 siapa nak tanggung kecuali kerajaan bagi subsidi satu kilogram RM5, ia boleh dilaksanakan.

“Ketiga, jika beras madani ditetapkan beras tempatan, mana mungkin boleh jual RM30 sedangkan harga sekarang RM26 untuk kampit 10 kilogram. Sudah tentu rakyat marah kepada kerajaan,” katanya.

Beliau berkata, jika hendak tetapkan beras campur bersama beras tempatan dan beras import, ia menyalahi Akta Kawalan Padi dan Beras 1994 (Akta 522).

Beliau dalam pada itu berkata, isu beras memerlukan kajian mendalam dan mematuhi peraturan ditetapkan.

# Jadikan beras tempatan sebagai beras Madani

**KOTA BHARU:** Kerajaan perlu menjadikan beras tempatan sebagai bahan utama untuk beras Madani yang dilihat mampu mewujudkan situasi menang memang kepada seluruh rantai pemain industri bermula dari petani dan penghilang sehingga pengguna.

Bercakap kepada *Utusan Malaysia*, Pengerusi Pertubuhan Peladang Kawasan (PPK) Kang-

kong yang mempunyai kilang padi dan beras, Datuk Aimi Jusoh berkata, langkah itu dilihat mampu melonjakkan lagi perkembangan industri padi serta beras negara pada masa hadapan.

Menurutnya, sudah tiba masanya beras tempatan diberikan peluang kerana kualiti ketika ini dilihat sudah setanding dengan beras import.

“Apabila industri beras negara pesat berkembang, ia satu perkara yang baik dalam mengukuhkan keterjaminan makanan negara sebagaimana diperjuangkan oleh kerajaan ketika ini.

“Saya lihat, inilah kesempatan terbaik buat kerajaan membantu seluruh rantai padi dan beras negara, tidak terkecuali pengguna yang dapat menikma-

ti beras pada harga mampu milik,” katanya.

Aimi yang juga Ahli Jemaah Pengarah Pertubuhan Peladang Negeri Kelantan memberitahu, beliau bimbang jika beras Madani menggunakan campuran tempatan dan import ia dilihat boleh ‘membunuh’ industri padi serta beras negara.

Katanya, oleh itu satu kajian secara menyeluruh perlu

dilakukan oleh kerajaan dalam melihat mekanisme terbaik dalam memastikan seluruh rantai termasuk rakyat mendapat manfaat pelaksanaan beras Madani.

Aimi berkata, pihaknya sentiasa menyokong penuh segala usaha kerajaan dalam membela rakyat menerusi pelbagai langkah yang sedang dijalankan ketika ini.

**BH** Rabu, 21 Februari 2024

**Nasional**

# KPDN akan siasat dakwaan wujud kartel beras



Armizan berucap di majlis Prakarsa Pendayaupayaan Pengguna di Putrajaya, semalam.  
(Foto Mohd Fadli Hamzah/BH)

## Kementerian gesa pihak miliki maklumat tampil bantu siasatan

Oleh Mohd Iskandar Ibrahim  
bhnews@bh.com.my

**Putrajaya:** Kementerian Perdagangan Dalam Negeri dan Kos Sara Hidup (KPDN) mahu pihak yang ada maklumat berkaitan dakwaan wujud kartel dalam industri beras negara supaya salurkan kepadanya.

Menteri, Datuk Mohd Armizan Ali, berkata pihaknya memberi jaminan akan menyiasat maklumat berkenaan jika terbukti wujud kegiatan sedemikian.

Katanya, KPDN menerusi Suruhanjaya Persaingan (MyCC) sentiasa terbuka untuk mengambil tindakan sewajarnya jika Kementerian Pertanian dan Keterjaminan Makanan (KPKM) atau mana-mana pihak mempunyai maklumat berkaitan perka-ra itu.

"Sejak berkuat kuasa Akta Kawalan Padi dan Beras 1994, bidang kuasa kawal selia berkaitan industri padi dan beras terletak di bawah KPKM.

"Namun, jika ada isu yang disebut mengenai kartel beras ini, KPDN khususnya MyCC, kita terbuka sekiranya KPKM atau pihak tertentu ada maklumat, boleh salurkannya kepada MyCC," katanya semalam.

Beliau mengulas kenyataan Perdana Menteri, Datuk Seri Anwar Ibrahim, bahawa cadangan pelaksanaan beras putih Malaysia MADANI, mampu mengekang industri beras negara daripada kawalan pihak kartel.

Perdana Menteri semalam, menegaskan cadangan untuk melaksana beras putih Malaysia MADANI, mampu mengekang industri beras negara daripada kawalan pihak kartel.

Sehingga kini, katanya, kerajaan belum memutuskan pelaksanaan cadangan berkenaan.

Bagaimanapun, beliau berkata, cadangan itu akan diteliti dan dibincang dalam mesyuarat Jawatankuasa Menangani Harga Makanan dan Kos Sara Hidup, NACCOL.

Pengumuman Syed Hussin berhubung penjualan beras putih Malaysia Madani berharga RM30 bagi kampit 10 kilogram (kg) mulai 1 Mac ini, menggantikan beras putih tempatan (SST) dan beras putih import (SSI) menimbulkan persoalan ramai termasuk dalam kalangan pemain in-

kan Sara Hidup Negara (NACCOL).

Mohd Armizan berkata, isu berkaitan inisiatif dan penambahbaikan serta pemodenan industri beras dan masih di bawah bidang kuasa KPKM.

"Adalah lebih baik jika Menteri KPKM, Datuk Seri Mohamad Sabu yang menjawab isu terbabit," katanya.

Terdahulu, Menteri Pertanian dan Keterjaminan Makanan, Datuk Seri Mohamad Sabu dalam kenyataannya menjelaskan kerajaan belum memutuskan pengenalan satu gred beras putih dikenali beras putih Malaysia MADANI seperti diumum Ahli Parlimen Bukit Gantang, Datuk Syed Abu Hussin Hafiz Syed Abdul Fasal merangkap Penggerusi Jawatankuasa Menangani Harga Makanan dan Kos Sara Hidup, NACCOL.

Katanya, DPN 2.0 akan dilancarkan bersama Pelan Tindakan Kepenggunaan 2030 (PTK 2030).

Katanya, dasar terbabit berlandaskan tiga teras iaitu penyer-taan rakyat, perundangan dan penguatkuasaan serta pendidi-kan nilai kepenggunaan.

"Dasar Pengguna Negara pertama dilancarkan pada 2002 dan selepas dua dekat, kita akan melancarkan DPN 2.0 dengan penambahbaikan serta pengukuhan kepada dasar sedia ada.

"Dasar ini berteraskan tiga perkara yang menjadi komponen penting kerana kita mahu DPN 2.0 bukan hanya sekadar menjadi satu dasar kerajaan, sebaliknya digerakkan secara menyeluruh," katanya.



8

## Rancang estet padi berskala besar pertama di Sabah, Sarawak

Kuala Lumpur: Selepas berjaya mengeluarkan produk beras, ayam dan lembu dalam usaha membantu keterjaminan makanan di negara ini, Felcra Berhad (FELCRA) dalam proses 'membuka' estet padi pertama berskala besar di Sabah dan Sarawak, tahun ini.

Ketua Pegawai Eksekutifnya, Datuk Idris Lasim, berkata sehingga kini empat daerah di Sarawak dan Sabah sudah dikenal pasti bagi pembangunan projek sawah padi itu.

Beliau berkata ia membatkan kawasan seluas 2,600 hektar di Setumbin dan Batang Luper, Sarawak, selain 1,600 hektar di Beluran dan Kota Belud, Sabah.

"FELCRA dipertanggungjawabkan kerajaan untuk mengembangkan program penanaman padi di Sabah dan Sarawak dan sehingga kini kemajuannya sudah mengenal pasti kawasan dan mengadakan mesyuarat dengan ahli jawatankuasa teknikal.

"Kita menjangkakan pada suku ke empat tahun ini atau +awal tahun depan akan mula penanaman dan boleh mencapai 20 peratus tahap sara diri (SSL) bergantung kepada kesesuaian tanah.

"Kita akan terus bekerjasama erat dengan kerajaan negeri dengan dibantu Kementerian Kemajuan Desa dan Wilayah (KKDW) untuk mengenal pasti kawasan lain yang berpotensi terhadap program penanaman padi," katanya kepada *BH*.

Pada masa sama, beliau berkata, dengan keluasan lebih 2,600 hektar itu, FELCRA menyasarkan hasil penanaman padi ialah sebanyak 7,800 tan setahun.

Sebelum ini, FELCRA berjaya memajukan kira-kira 4,500 hektar tanaman padi di Seberang Perak yang menghasilkan purata produktiviti sebanyak lima metrik tan sehektar semusim atau 22,500 tan semusim.

Pada masa sama, Idris berkata, ia bermakna pengeluaran tahanan padi di Seberang Perak adalah 45,000 tan setahun.

Beliau berkata, projek estet padi Seberang Perak sehingga kini berjaya memberikan manfaat kepada 1,035 peserta FELCRA.

"Dengan pencapaian ini, kita boleh menghasilkan sebanyak 4.8 juta kampit beras lima kilogram (kg) setahun untuk dijual kepada peserta dengan harga subsidi RM10.

"Melalui usaha ini, kita berhasrat untuk menyumbang kepada salah seorang pemain industri beras, meningkatkan SSL sekali gus berupaya mengurangkan kebergantungan kepada beras import," katanya.

## Malaysia cadang tembus pasaran Kanada

**PUTRAJAYA** - Malaysia bercadang untuk mengeksport buah-buahan tropika tempatan ke pasaran antarabangsa khususnya Kanada.

Hasrat itu dinyatakan Timbalan Menteri Pertanian dan Keterjaminan Makanan, Datuk Arthur Joseph Kurup kepada Menteri Pertanian dan Agri-Makanan Kanada, Lawrence MacAulay dalam pertemuan yang berlangsung di Putrajaya pada Selasa.

Kementerian itu dalam kenyataan memaklumkan, pertemuan kali pertama kedua-dua pemimpin berkenaan turut membincangkan kerjasama dua hala dalam bidang pertanian dan keterjaminan makanan.

"Selain itu mereka turut menyatakan komitmen mengukuhkan kerjasama dalam sektor pertanian, perikanan dan ternakan serta mengalau-alukan kerjasama teknikal dalam bidang penyelidikan dan pembangunan pertanian.

"Timbalan Menteri juga telah memperkenalkan produk pertanian Malaysia yang berkualiti seperti nanas dan menyatakan hasrat untuk mengeksport buah-buahan tropika tempatan ke pasaran negara berkenaan," menurut kenyataan itu pada Selasa.

Pertemuan tersebut turut dihadiri Timbalan Ketua Setiausaha (Dasar) Kementerian Pertanian dan Keterjaminan Makanan (KPKM), Datuk Azah Hanim Ahmad; Ketua Pengarah Jabatan Perkhidmatan Veterinar (DVS), Dr Akma Ngah Hamid serta pegawai-pegawai kanan KPBM serta jabatan dan agensi



Arthur (kiri) bersama Lawrence ketika pertemuan di Putrajaya pada Selasa.

di bawah kementerian.

Ketika pertemuan tersebut, Arthur turut menjemput Lawrence ke Pameran Pertanian, Hortikultur dan Agro Pelancongan (MAHA) 2024 yang dijadualkan berlangsung pada 11 hingga 22 September ini.

Selain itu beliau mempelawa penyertaan pihak Kanada dalam acara dwitahunan itu.

"Timbalan Menteri turut menyampaikan ucapan tahniah kepada Kanada yang mengambil giliran jawatan Pengurus Comprehensive and Progressive Agreement for Trans-Pacific Partnership (CPTPP) bagi tahun 2024," menurutnya.



## Rampas daging babi RM2.7 juta

**Pelabuhan Klang:** Jabatan Kastam Diraja Malaysia (JKDM) merampas 96.000 kilogram (kg) daging babi sejuk beku dianggarkan bernilai RM2.7 juta yang cuba diseludup ke negara ini.

Penahanan dibuat terhadap empat kontena di Pelabuhan Utara pada 13 Februari lalu selepas menerima maklumat.

Penolong Ketua Pengarah Kastam Zon Tengah Norlela Ismail berkata, pemeriksaan ke atas empat kontena menemui daging babi sejuk beku dipercayai tiada permit import daripada Jabatan Perkhidmatan Kuaran dan Pemeriksaan Maysia (Majis).

"Modus operandi yang digunakan oleh pihak sindiket adalah mengikrak sebagai aksesori perabot di dalam borang manifes bagi mengelak dikesan oleh kastam.

"Nilai dagangan dianggarkan RM2.7 juta membitkan rampasan sebanyak 96.000 kg," katanya pada sidang media di Pejabat Kastam Selangor, Pelabuhan Utara di sini, semalam.

Norlela berkata, siasatan lanjut mendapati kontena terbabit dari Hong Kong, namun label

terdapat pada barang sejuk beku itu dari Brazil.

"Kita percaya daging babi (sejuk beku) ini cuba diseludup masuk dan kemudian dibungkus semula menggunakan pembungkusan tempatan.

"Siasatan lanjut akan dijalankan bagi mengenal pasti sama ada sindiket ini adalah sindiket sama yang membawa masuk barang sejuk beku di Sabah," katanya.

Katanya, kes disiasat mengikut Seksyen 135(1)(a) Akta Kastam 1967.

Sementara itu, dalam serbuuan berasingan, pihaknya turut merampas barang berupa televisyen dan kipas siling termasuk cukai berjumlah RM1.1 juta.

Menurutnya, rampasan televisyen dibuat selepas pemeriksaan ke atas satu kontena di Pelabuhan Utara dan mendapati ia tidak mempunyai kelulusan Sirim Berhad.

"Rampasan sebanyak 644 unit televisyen dengan nilai dagangan RM500,000 dilakukan. Pemeriksaan juga mendapati kontena disyiharkan sebagai batuan marmar bagi mengelak dikesan," katanya.



NORLELA (tengah) bersama barang kes pada sidang media di Ibu Pejabat Kastam Pelabuhan Utara, Pelabuhan Klang.



PADI yang sudah rosak dan menyembah bumi di Kuala Kurau.

# Pesawah bakar padi

Oleh Shaiful Shahrin  
Ahmad Pauzi  
am@hmetro.com

## Bagan Serai

**A**da dalam kalangan lebih 20 pesawah di Kuala Kurau di sini, terpaksa membakar padi mereka kerana sudah reput dan tidak sesuai lagi dituai.

Ia berlaku apabila kese-mua pesawah berkenaan 'berputih mata' melihat hasil tanaman mereka mereput dan tidak dapat dituai.

Keadaan itu disebabkan jentuai milik swasta enggan memasuki kawasan terbabit akibat tanah jerlus.

Akibatnya, jentera berkenaan sering terbenam menyebabkan pemilik menanggung kerugian.

Pesawah, Anuar Rosli, 34, mendakwa, jentuai yang sebelum ini digunakan 'lari' akibat tidak tahan dengan keadaan tanah jerlus.

## Jentuai 'lari' kerana tidak tahan tanah jerlus

"Pemilik jentera mendakwa mereka tidak mencapai sasaran tan metrik yang dimahukan dan menanggung kerugian.

"Justeru, mereka memaklumkan terpaksa keluar dari kawasan ini dan berpindah ke negeri di utara memandangkan di sana juga padi mula masak selepas menerima bantuan Back To School Yayasan Pelajaran Mara dan Yayasan Bina Upaya Perak di Dewan Komuniti Bagan Serai di sini, semalam."

Memurutnya, perkara itu

**"Justeru, mereka memaklumkan terpaksa keluar dari kawasan ini dan berpindah ke negeri di utara memandangkan di sana juga padi mula masak selepas menerima bantuan Back To School Yayasan Pelajaran Mara dan Yayasan Bina Upaya Perak di Dewan Komuniti Bagan Serai di sini, semalam."**

sudah berlaku dua musim berturut-turut dan memohon kerajaan bertindak bagi memastikan tanah di sini, khususnya di Kerian Laut,

perti di Kerian Laut. Beliau berkata, ada tiga kawasan di Perak yang membekalkan jentera namun kesemuanya adalah jentera lama dan berat.

"Jentera lama ini masih lagi digunakan di beberapa kawasan yang se-suai."

"Namun kita akan membeli beberapa jentera lebih ringan supaya ia dapat digunakan di kawasan tanah jerlus," katanya.

Terdahulu, Harian Metro melaporkan, pesawah di Kerian Laut derita apabila tanah sawah sekali lagi jerlus menyebabkan banyak sawah padi tidak dapat dituai.

Pesawah terpaksa menanggung kerugian dua musim berturut-turut menyebabkan mereka berhutang dengan pembeli padi.

## Kongsi pengetahuan, teknologi dalam bidang akuakultur

**PETALING JAYA** – Kementerian Pertanian dan Keterjaminan Makanan (KPKM) memaklumkan Malaysia sedia berkongsi pengetahuan dan teknologi dalam bidang akuakultur di peringkat antarabangsa.

Menterinya, Datuk Seri Mohamad Sabu berkata, komitmen itu dizahirkan selepas mengadakan pertemuan dengan Ketua Pengarah Pertubuhan Makanan dan Pertanian (FAO) Pertubuhan Bangsa-Bangsa Bersatu (PBB), Qu Dongyu.

Katanya, pertemuan dua hala itu diadakan sempena Mesyuarat Regional Conference for Asia and the Pacific (APRC) FAO di Sri Lanka.

"Industri akuakultur di Malaysia merupakan industri yang berkembang pesat dengan prestasi pengeluaran yang amat baik.

"Inisiatif Pintar (Pelaks-

aan Dan Pembudayaan Inovasi Nasional Keterjaminan Agromakanan Rakyat) yang telah+  
saya gariskan sewaktu Majlis Amanat 2024 pada Januari lalu juga turut saya kongsikan bersama TYT Qu Dongyu," katanya dalam satu kenyataan di laman Facebook semalam.

Mengulas lanjut, Mohamad berkata, kolaborasi di peringkat antarabangsa merupakan strategi penting yang perlu di berikan perhatian serius bagi memastikan sektor pertanian negara tidak ketinggalan.

Katanya, ini terutamanya dalam arus perkembangan teknologi bagi mendepani sebarang cabaran termasuk perubahan cuaca yang tidak menentu ketika ini.

"Esok (hari ini) saya akan memberikan Kenyataan Negara di dalam Mesyuarat Regional Conference for Asia and the Pacific (APRC)," ujarnya.



MOHAMAD (kiri) mengadakan pertemuan dengan Qu Dongyu di Sri Lanka semalam.

16 Negara!

Kosmo! RABU 21 FEBRUARI 2024

Loji baharu PPN Perak tunggu kuota daripada pihak kawal selia

# 'Hasil 30,000 tan metrik benih padi'

Oleh WAT KAMAL ABAS

**BAGAN SERAI** - Sebanyak 30,000 tan metrik benih padi dijangka dapat dihasilkan di loji benih padi Pertubuhan Peladang Negeri (PPN) Perak di Simpang Lima, Parit Buntar, di sini yang mula beroperasi pada Julai depan.

Pengerusi Ahli Lembaga Pengarah PPN Perak, Datuk Sham Mat Sahat berkata, meskipun kuota sebenar belum lagi diperoleh, namun dalam jangkaannya loji benih PPN Perak itu akan menghasilkan benih padi dalam kuantiti disasarkan berkenaan.

"Kita sememangnya sedang menunggu kuota benih padi daripada pihak kawal selia benih padi untuk dihasilkan di loji yang akan memulakan operasi sepenuhnya pada Julai nanti.

"Beigitupun, saya telah bercakap dengan Ketua Pengarah Kawal Selia agar sekurang-kurangnya mendapat kuota bagi membekalkan kepada negeri ini termasuk negeri yang berham-



SHAM (dua dari kanan) beramah mesra dengan seorang murid penerima baucar di Bagan Serai semalam.

piran dengan Perak Utara," katanya.

Beliau berkata demikian selepas menyampaikan baucar di Majlis Penyampaian Baucar Back To School Yayasan Pelajaran Mara dan Yayasan Bina Upaya Negeri Perak kepada 100 murid

dan pelajar di Dewan Komuniti Bagan Serai, di sini semalam.

Menurut Sham, loji benih PPN Perak itu diwujudkan bertujuan bagi mengeluarkan benih padi yang bermutu dan mengawal harga pasaran benih padi bagi membantu para pesawah khu-

susnya di Perak.

"Kewujudan loji benih PPN Perak di Parit Buntar itu bukan bertujuan untuk bersaing dengan pihak pengeluar benih sedia ada atau pengusaha-pengusaha yang telah lama berkecimpung dalam sektor itu, tetapi adalah bagi me-

mastikan benih padi dihasilkan bermutu tinggi.

"Saban tahun kita menerima pelbagai rungutan daripada pesawah tentang isu benih padi yang dibeli tidak berkualiti hinggakan ada pesawah yang menabur benih padi namun tidak tumbuh," katanya.

Jelasnya, ladang benih padi juga akan ditambah daripada yang sedia ada supaya bekalan benih padi mencukupi untuk loji baharu itu.

"Jawatankuasa loji benih telah menghantar laporan kepada saya mengatakan mereka sedang melakukan perbincangan untuk mengenal pasti kawasan untuk dibuat ladang benih tambahan.

"Di Kerian ini telah ada ladang benih di kawasan Parit Gabis dan juga Gunung Semanggol.

"Kita akan mencari lagi petak sawah padi di Alor Pongsu untuk tambah kapasiti bagi membekalkan padi kepada loji benih. Kalau kita ambil padi dari luar, dikhawatir mutunya tidak terjamin," tambahnya.